



Äntwert vum Sportsminister op d'parlamentaresch Fro n°2249 vum 24. Abrëll 2025 vum Här Deputéierte Sven Clement.

- 1. Kann de Minister een Tableau vum Congé sportif mat der Zuel vun den Demanden, der Zuel vun de gefrote Stonnen, der Zuel vun den accordéierten Demanden an der Gesamtzuel vun den Ausgabe vun de Joren 2018-2024 (opgeschlësselt pro Joer) opstellen?**

	Demandes	Jours demandés	Demandes accordées	Coût total
2018	615	2741	560	403 831.00 €
2019	935	4221	848	634 110.00 €
2020	311	1425	218	209 605.00 €
2021	664	2910.5	618	531 896.00 €
2022	847	3674	801	676 827.00 €
2023	1138	4876.5	1070	710 792.61 €
2024	1867	6988	1669	853 625.64 €

- 2. Laut Aktivitéitsbericht 2023 huet missen een Deel vun den Ausgabe vun 2023 op d'Joer 2024 imputeiert ginn - em wat fir ee Betrag handelt et sech hei?**

28 302,73 EUR vun den Ausgabe fir Congé sportif 2023 sinn op d'Joer 2024 imputéiert ginn.

- 3. Den 12. Dezember 2023 huet den haitege Sportminister eng Circulaire iwwert de Congé sportif un d'Sportfederatioune geschéckt, déi ee Kompetitiounssport bedreiwen, obwuel de reforméierte Congé sportif sech och un déi Benevole vun de Federatioune an de Veräiner riicht, déi kee Kompetitiounssport bedreiwen.**

Firwat ass des Circulaire net un all unerkannte Sportfederatioun geschéckt gi mam Opruff ze och un hier Veräiner weiderzeleden?

Den Titel vun der genannter Circulaire wor nodréiglech gekuckt net glécklech gewielt. Se ass awer den 13 Dezember 2023 un all déi agreéiert Federatioune gemailt ginn, mam Opruff se un hir affiliéiert Veräiner weiderzeleden.



4. Ass de Sportminister, dass a senger Amtszäit bis elo genuch respektiv iwwerhaapt déi neidesch Informatiounen iwwert déi néi Modalitéite vum Congé sportif am Sportssecteur ukomm sinn?

Wéi aus den Elementer hei drënner ervirgeet, sinn ech der Meenung, datt meng Servicer eng gutt Opklärungsarbecht geleescht hunn.

Am Juli 2023 gouf eng Informatiounsversammlung fir d'Federatiounen organiséiert wou de Congé sportif detailléiert virgestallt ginn ass. Dono ass den 13. Dezember 2023, déi ënnert dem Punkt 3 erwäante, Circulaire un déi agreéiert Federatiounen gemailt ginn.

Donieft ass de Sportsministère ass a reegelméissegem Austausch mat de Federatioune, wou de Congé sportif natierlech och en Thema ass.

Am Januar 2025 ass, am Kader vun der Campagne 'Gamechangers', eng Visiokonferenz zum Thema Congé sportif gehale ginn.

Ausserdeem sinn d'Informatiounen zum Congé sportif iwwer de Site vum Sportsministère <https://sports.public.lu>. Disponibel.

5. Firwat gouf net am Joer 2024 eng weider, méi informativ Circulaire un all Sportverbänn a Sportveräiner am Land adresséiert?

Sou wéi aus der Äntwert op d'Fro 4 ervirgeet, sinn all déi relevant Informatiounen betreffend dem neien Gesetz iwwert den Congé sportif un den Mouvement sportif weidergeleet ginn, sou datt eng zousätzlech Circulaire keng Plus-value duergestallt hätt.

6. Firwat gouf an der grouss ugeluechte Campagne „Gamechangers – fir e staarke Benevolat am Sport“ net iwwert déi néi Modalitéiten am Beräich vum Congé sportif kommunizéiert?

Och hei verweisen ech op d'Äntwert op d'Fro 4.



7. Am Kontext vun der Reform vum Congé sportif sollt och parallel un engem Informatiksprogramm geschafft ginn. Wou sinn des Beméiungen, iwwert e Joer nom Akraafttriede vum neie Gesetz, drun?

Den Informatiksprogramm ass zanter dem Januar 2025 operationell. D'Applikatioun MyGuichet wäert viraussichtlech am Juli 2025 a Betrib geholl ginn.

8. Laut Aktivitéitsbericht 2024 ass d'Zuel vun de Congésdeeg fir déi sougenannten «administrativ Aarbecht» un d'Zuel vun de Kompetitiounslizenzen gebonnen. Fakt ass awer, dass och Sportfederatiounen a Sportsveräiner, déi kee Kompetitiounssport maache, Congé sportif ze gutt hunn?

- **Wéi vill vun den am Joer 2024 1287 Veräiner falen net ënnert de Kompetitiounssport?**

Sou wéi ech et schonn a menger Äntwert op d'parlamentaresch Fro n°2136 präziséiert hat, falen 200 Veräiner net ënnert de Kompetitiounssport.

- **Wéi vill Responsabeler vun dëse Veräiner hunn eng Demande fir de Congé sportif gestallt?**

Fir 2024 huet kee Responsabele vun engem Veräin déi net ënnert de Kompetitiounssport falen eng Demande fir de Congé sportif eragereecht.

- **Wéi vill Responsabeler vun enger unerkannter Sportfederatioun, déi awer net am Kompetitiounssport tätég ass, hunn eng Demande fir de Congé sportif gemaach?**

Fir 2024 huet kee Responsabele vun enger Federatioun déi net ënnert de Kompetitiounssport falen eng Demande fir de Congé sportif eragereecht.

Lëtzebuerg, den 22. Mee 2025

Le Ministre des Sports

(s.) Georges Mischo